

TUTIRA MAI NGĀ IWI

Tutira mai ngā iwi

Tātou tātou e

Tutira mai ngā iwi

Tātou tātou e

Whaia te maramatanga me te aroha

E nga iwi

Kia tapatahi

Kia kotahi ra

Tātou tātou e

Tātou tātou e

KO TE AMORANGI KI MUA

Ko te Amorangi ki mua

Ko te Häpai ö ki muri

Te tüturutanga mahi pono

O te Mäori mana motuhake

He mango pare amohia

O te waka Takitimu

Hei whakakuititanga

Hei whakakitenga

E rere e te huata hopukia

E rere e te mänuka tomokia

E kore e ngaro te käkano

I ruiruia mai ra i Rangiatea

E töku hinengaro anö

He wä käinga e hokia ana mai

Ki ngä rau murimuri aroha

Kia hora te marino

Kia papapounamu te moana

Kia tere te kähohirohi

Ko te Atua te kupu tuatahi

Ko te Atua te kupu whakamutunga

Kia whakapaingia te ingoa o Ihowa

Whaia te iti kahurangi

O te waka Takitimu

PINE PINE TE KURA

Verse One

Pinepine te kura, hau te kura
Whanake te kura i raro i Awa-rua
Ko te kura nui, ko te kura roa
Ko te kura o tawhiti na Tu-hae-po
Tenei te tira hou, tenei haramai nei
Ko te umu-rangi, na te Whatu-i-apiti
Nau mai e tama, ki te taiao nei
Ki' whakangungua koe ki te kahi-katoa
Ki te tumatakuru, ki te tara ongaonga
Nga tairo e nahau, e Kupe
I waiho I te ao nei.

Verse Two

Pike ake, kake ake I te toi huarewa
Te ara o Tawhaki i piki ai ki runga
I rokohina atu ra Maikuku-Makaka

Hapai o Maui, he waha i pa mai

"Taku Wahine Purotu, Taku Tane Purotu"

Korua Ko Te Tau E.

KOTIRO MAORI E TAKU RIPENE PAI

Kotiro Māori e taku ripene pai

O makawe hoki ngā ngaru o te tai

Ko te pare huia

He tohu rangatira e

Ko Rongomaiwahine

O Nukutaurua e

Rongongia to ataahua

E te whenua katoa

Tae atu te kohimuhimu

Ki a Kahungunu e

Ko wai te wahine e

Whakakapakapa te manawanui

Ko Rongomaiwahine

O Nukutaurua e

Piki ake kake ake

Ki te Mahia e

Ka kite tana hiahia

Aue ko Rongomai e

Haere mai e tama rukuhia

Nga paua o Tangaroa nei,

Ma Rongomaiwahine

O Nukutaurua e

Nahau ra Kahungunu

Tangata whakanene

Na te paua

I raru ana koe Rongomai e

Maranga mai e hine

Ka haere taua e

Ki Maramatea

O Nukutaurua

HOEA RA

Haere mai e hine ma
Me nga taonga o te wa
te reo karanga e katoa
haere mai ki au

Haere mai e tama ma
Me nga taonga o te wa
te reo karanga e katoa
haere mai ki au

Hoea ra te waka nei
hoea, hoea ki te pai
ma te reo e karawhiu
kia rere tika ai

HAERE MAI

Haere mai, haere mai x2

E ngā iwi e, haere mai

ki runga o te marae

hui mai tātau katoa (tātau katoa)

E hine mā (e hine mā)

E tama mā (e tama mā)

hāpainga ō Mana Māori e

Kia rewa runga rawa

Auē i a ha ha

E ngā iwi e

Haere mai, haere mai

PĀ MAI TO REO AROHA

Pā mai tō reo aroha ki te pā o Aotearoa

E ngā iwi o Aotearoa, haere mai, haere mai

Titiro ki ngā hōia, kua wehea nei

Auē te aroha me te mamae

E ngā iwi o Aotearoa, haere mai, haere mai

Tahi miti toru e tae te marumaru

Whare tapu teitei, te ao korowhiti

Haere mai, haere mai.

TOMO MAI

Tomo mai e tama mā

Ki roto ki ngā ringa e tūwhera atu nei

Kei te kapakapa mai te haki (te haki)

O Ingarangi i runga o Tiamana e

Hoki mai, hoki mai ki te wā kāinga

kua tutuki te tumanako

Kei te kapakapa mai te haki (te haki)

O Ingarangi i runga o Tiamana e.

E TE HOKOWHITU-A-TŪ

E te Hokowhitu-a-Tū kia kaha rā
Kāti rā te hingahinga ki raro rā
Māu ngā whakaaro ki runga rawa
Hei arahi i te ara e tika ai
Whirinaki, whirinaki, tātau katoa
Kia kotahi rā.

Ngā marae e tū noa nei
Ngā maunga e tū noa nei
Auē rā e tama mā, te mamae te pōuri nui
E patu nei i ahau inā (kia kotahi rā)

Ngarimu auē, anei o mokopuna e
E tū atu nei
A hī auē auē

TŌIA MAI TE WAKA NEI

Tōia mai te waka nei

Kumea mai te waka nei

Ki te takotoranga i takoto ai

Tiriti te mana motuhake

Te tangi a te manu nei, pipiwharauoa

Kui kui kui, whiti whiti ora

Hui e tāiki e